

Pwyllgor	Pwyllgor Craffu Gwasanaethau
Teitl yr Adroddiad	Datblygiad y Swyddfeydd Ardal
Dyddiad y cyfarfod	28 Medi 2016
Swyddog Perthnasol	Arwyn Thomas, Pennaeth Addysg
Aelod Cabinet Perthnasol	Cynghorydd Gareth Thomas

1. CYFLWYNIAD

Prif bwrpas yr adroddiad yw cyflwyno gwybodaeth i aelodau etholedig ar ddatblygiad y Swyddfeydd Ardal.

Mae Cabinet Cyngor Gwynedd eisoes wedi cefnogi argymhelliad i ymgynghori gydag ysgolion a llywodraethwyr ar yr egwyddorion craidd a fydd yn gosod sylfeini ar gyfer sefydlu cyfundrefn 'Addysg i Bwrpas i Wynedd.'

Mae nodweddion y gyfundrefn yn nodi'r blaenoriaethau fel a ganlyn:

- Gweithlu proffesiynol rhagorol ac arweinwyr ar bob lefel sy'n cydweithio, helpu a herio'i gilydd;
- Ysgolion rhagorol sy'n hyfyw i'r dyfodol; a
- Strwythur rheolaeth gydweithredol ar lefel dalgylch ac ardal fydd yn rhyddhau amser i benaethiaid arwain yn effeithiol ac athrawon i ganolbwyntio ar addysgu.

Mae argymhellion adroddiad annibynnol 'Arweinyddiaeth a Rheolaeth' diweddar y sir yn cydfynd ag egwyddorion y ddogfen '*Cymwys am Oes- cynllun gwella addysg ar gyfer dysgwyr 3-19 oed*' ac yn sefydlu egwyddor 'Ysgol Gwynedd' o'r newydd.

Yn ymarferol, mae hyn yn golygu datblygu dealltwriaeth gan arweinwyr eu bod yn gyfrifol am, ac yn rhan o, system ysgol ehangach, ac nid eu hysgol eu hunain yn unig gyda system lwyddiannus o'r fath yn bodoli trwy gael partneriaeth aeddfed, agored rhwng yr ysgolion, swyddogion yr awdurdod a GwE, yn seiliedig ar ddealltwriaeth gytunedig o swyddogaethau, perfformiad lefel system ac anghenion datblygiad. Mae gofyn bod gan arweinwyr yr amser, a disgwylir iddynt weithio yn eu hysgol ac ar draws 'system yr ysgol' mewn dull strwythuredig wedi'i gynllunio i greu 'Ysgol Gwynedd' gref yn hytrach na chyfres o ysgolion unigol yn gweithio'n ynysig.

2. STRWYTHUR SWYDDFEYDD ARDAL ADDYSG ARFAETHEDIG

Wrth ddilyn y dull 'Ysgol Gwynedd', mae'n ofynnol gwneud newidiadau o ran trefn reolaethol a llywodraethol ysgolion a chan hybu trefn lywodraethol sy'n cwmpasu ysgol a system cyfan.

Bydd strwythur o Swyddfeydd Ardal effeithiol yn hyrwyddo'r model hwn o gydweithio wrth resymoli a rhannu'r gofynion rheolaethol gan ryddhau penaethiaid i arwain yn effeithiol.

Trwy gydweithrediad gyda GwE, cyfuno anghenion y model ADY arfaethedig a'r model moderneiddio ysgolion yn ogystal, anelwn at sicrhau strwythur gweithredu sy'n gyfatebol i'r model Ardal.

Priod waith Swyddfa Ardal fydd, ar yr un llaw, rhesymoli a rhannu gofynion rheolaethol, gweinyddol a llywodraethol ysgolion, ac, ar y llaw arall, sicrhau y caiff strategaethau'r Adran Addysg ar gyfer gwella ysgolion eu gweithredu'n effeithiol a bod safonau cyrhaeddiad yn uwch drwy sianelu cefnogaeth, cyfarwyddiadau a her ar lefelau priodol drwy ddefnyddio'r adnoddau sydd ar gael yn effeithiol yn yr ysgol, yn lleol ac yn sirol.

Bwriedir sefydlu swyddfeydd ar gyfer ysgolion yng ngogledd-ddwyrain, gogledd-orllewin a de'r sir o dan arweiniad 'Swyddog Addysg Ardal' (SAA) penodol (**Atodiad 1**) ac mi fydd 'Swyddogion Busnes a Gwasanaethau' (SBG) yn cydlynu'r gwasanaethau cefnogol ac yn hyrwyddo gweithio mewn partneriaeth ar lefel leol.

Gwella Ansawdd Addysg - Swyddogion Addysg Ardal (SAA)

Priod waith Swyddogion Addysg Ardal fydd rhoi cefnogaeth a gosod her, naill ai'n uniongyrchol neu'n anuniongyrchol, i ysgolion gyfrannu tuag at hinsawdd o welliant parhaus drwy herio ysgolion i godi safonau, hyrwyddo strategaethau ar gyfer hunan wella a chydweithrediad 'Ysgol i Ysgol', a chydweithio'n effeithiol gydag asiantaethau eraill sy'n weithredol yn y maes.

Mi fydd y Swyddogion Addysg Ardal yn aelod o'r Bwrdd Strategol Dalgylch (BSD), Bwrdd Ansawdd Sirol (BAS) a'r Pwyllgor Craffu Ardal (PCA).

Y Bwrdd Strategol Dalgylch (BAS) fydd yn cymryd trosolwg o berfformiad holl ysgolion y sir o ran lles ac addysg disgyblion, yn cytuno ar y rhaglen waith ac yn monitro gweithrediad.

Mi fydd y Pwyllgor Craffu Ardal (PCA) yn cynnig cyfleodd i gadeiryddion a phenaethiaid ysgolion unigol, ynghyd â'r Ymgynghorydd Her a Chefnogi, perthnasol amlygu'r arferion da hynny sydd ar waith yn yr ysgol, a'u cyfrifoldebau a'u rolau wrth gyflawni hynny. Mi fydd cyfle i'r aelodau lleol a'r swyddogion ardal ddatblygu a chryfhau'r elfen o graffu ardal gydag ysgolion penodol neu ynglŷn â themâu sy'n dod yn amlwg: cefnogaeth, cynhaliath, cyfrifoldeb a chraffu.

Rheolaeth, Gweinyddiaeth a Llywodraethu - Swyddogion Busnes a Gwasanaethau (SBG)

Mae nifer o wasanaethau yn cefnogi ysgolion ar wahanol lefelau ac i sawl pwrpas.

Prif bwrpas swydd Swyddog Busnes a Gwasanaethau (SBG) yw gwella effeithiolrwydd trefniadau rheolaethol ysgolion ardal a chyfrannu'n sylweddol at welliant parhaus i wasanaethau'r ysgolion. Byddent yn adrodd yn uniongyrchol i'r Swyddogion Addysg Ardal.

Bydd y Swyddogion Busnes a Gwasanaethau yng ngofal dydd i ddydd y Swyddfa Addysg Ardal ac yn gweithredu fel prif bwynt cyswllt i ysgolion y dalgylch ar gyfer faterion rheolaethol. Bydd yn gyfrifol am sicrhau gwasanaeth gweinyddol lefel uchel i ysgolion a'u Llywodraethwyr ac i'r Swyddogion Addysg Ardal.

Disgwylir i'r Swyddogion Busnes a Gwasanaethau ddarparu cefnogaeth, a chynghor rheolaethol i gyrrff llywodraethol ac uwch-dimau arwain ym mhob un o ysgolion yr ardal.

Trwy ymgynghoriad uniongyrchol gyda phenaethiaid a'r gwasanaethau unigol bwriedir didoli'r gwasanaethau cefnogol, ar lefel sirol, ardal a lleol, yn seiliedig ar eu blaenoriaethau a chynnal adolygiad o strwythur strategol a rheolaethol Yr Adran Addysg yng Ngwynedd.

Mi fydd llywodraethwyr yn derbyn cefnogaeth, cynhaliaeth a hyfforddiant uniongyrchol a lleol. Wrth sefydlu 'Bwrdd Strategol Dalgylch' (BSD) ar gyfer cadeiryddion, y Swyddogion Busnes a Gwasanaethau a'r Swyddogion Addysg Ardal, mi fydd yn bosib teilwra hyfforddiant mewn meysydd penodol, hyrwyddo cydweithrediad strategol a chryfhau atebolrwydd a gweithio mewn partneriaeth yn ymateb i egwyddorion 'Ysgol Gwynedd'.

SWYDDFEYDD ADDYSG ARDAL

Swyddfa Addysg Dwyrain Gwynedd

Swyddog Addysg: *Diane Jones*

**YSGOL DYFFRYN
OGWEN**

Ysgol Bodfeurig

Ysgol Pen-y-Bryn

Ysgol Llanllechid

Ysgol Rhiwlas

Ysgol Abercaseg

Ysgol Llandygai

Ysgol Tregarth

**YSGOL
BRYNREFAIL**

Ysgol Gwaun Gynfi

Ysgol Llanrug

Ysgol Bethel

Ysgol Cwm y Glo

Ysgol Dolbadarn

Ysgol Gymuned
Penisarwaun

Ysgol Waunfawr

**YSGOL TRYFAN AC
YSGOL FRIARS**

Ysgol Glanadda

Ysgol Glancegin

Ysgol Babanod
Coedmawr

Ysgol y Garnedd

Ysgol y Felinheli

Ysgol Hirael

Ysgol y Faenol

Ysgol Llandygai

Ysgol Cae Top

Ysgol Ein
Harglwyddes

**YSGOL SYR
HUGH OWEN**

Ysgol y Gelli

Ysgol Felinwnda

Ysgol Rhosgadfan

Ysgol Rhostryfan

Ysgol yr Hendre

Ysgol Bontnewydd

Ysgol y Felinheli

Ysgol Maesinclla

Ysgol Llandwrog

Ysgol Santes
Helen

Swyddfa Addysg Gorllewin Gwynedd

Swyddog Addysg: *Keith Parry*

**YSGOL
DYFFRYN
NANTLLE**

Ysgol Brynaerau

Ysgol Llanllyfni

Ysgol Baladeulyn

Ysgol Nebo

Ysgol Bro Lleu

Ysgol Talysarn

**YSGOL
EIFIONYDD**

Ysgol Beddgelert

Ysgol Borthygest

Ysgol Treferythyr

Ysgol
Garndolbenmaen

Ysgol Eifion Wyn

Ysgol y Gorlan

**YSGOL GLAN Y
MŌR**

Ysgol Gynradd
Nefyn

Ysgol Abererch

Ysgol Chwilog

Ysgol Bro Plenydd

Ysgol
Llanaelhaearn

Ysgol Llanbedrog

**YSGOL
BOTWNNOG**

Ysgol Gynradd
Nefyn

Ysgol Abersoch

Ysgol Crud y
Werin

Ysgol Edern

Ysgol Llanbedrog

Ysgol Babanod
Morfa Nefyn

**Ysgol
Pendalar**

Ysgol Bro Llifon	Ysgol Llanymstumdwy	Ysgol Llangybi	Ysgol Sarn Bach
		Ysgol Babanod Morfa Nefyn	Ysgol Tudweiliog
		Ysgol Pentreuchaf	Ysgol Pont y Gôf
		Ysgol yr Eifl	Ysgol Foelgron
		Ysgol Cymerau	

Swyddfa Addysg De Gwynedd

Swyddog Addysg: *Garem Jackson*

YSGOL Y GADER	YSGOL Y MOELWYN	YSGOL UWCHRADD TYWYN	YSGOL Y BERWYN	YSGOL ARDUDWY	Ysgol Hafod Lon
Ysgol Gynradd Dolgellau	Ysgol Bro Cynfal	Ysgol Dyffryn Dulas	Ysgol Bro Tegid	Ysgol y Traeth	
Ysgol Brithdir	Ysgol Edmwnd Prys	Ysgol Pennal	Ysgol O M Edwards	Ysgol Dyffryn Arudwy	
Ysgol Dinas Mawddwy	Ysgol Manod	Ysgol Penybryn	Ysgol Bro Tryweryn	Ysgol Llanbedr	
Ysgol Ganllwyd	Ysgol Tanygrisiau	Ysgol Craig y Deryn	Ysgol Ffridd y Llyn	Ysgol y Garreg	
Ysgol Llanelltyd	Ysgol Bro Hedd Wyn		Ysgol Beuno Sant	Ysgol Talsarnau	
Ysgol Ieuan Gwynedd	Ysgol Maenofferen			Ysgol Tan y Castell	
Ysgol Friog				Ysgol Cefn Coch	